

Sgemtog Stipen Tjan sigtemota otoema tesipôoa, Silipai Polet sigtatag lôg pa mesgegél gato ansema pa etjeli apôgonemotag tan teli atjelalames ansema paseg pesgot môgoe oen nemiaxol me gisi npilan, ansema nepôtj na pesgotag, tôgo patlias igatot negem otangaman ag gagi gôgoatjalatga Stipen Tjan ag Silipai poletga otehi apatji oigmagaltiliq ngotei temga. Na patlias teli logôoatji tani geginamati Inoa, ag teli logôoatji nige tjei mitjoatjitjig geginamotjig pilto gemnieotil tesgegentieoti gisi miaolagoelitja, paseg me menag mesnasinogol oigatigen, gato esgemasigel ninen npatliase minen apogoetotal.

Sgemtog mitjatjitj nepg oegômag Mali Los Molis Egiam Molis otosel gis saliteoalotag asôgôm tesagigel tjel nesisgel selin tjel tapogol somalgil, na solieoieag agtaig igatog oegômageoei alasotmôgoôm \$3.30, tôgo \$3.32 esgisôgnigeoei. Nin S. B.

LISTOGOTG II tes.—sonmingeoei tepgemaset—tlisip malieoipenig Loi Gaplan ag Nastasi Oios, elp oitotjig Noel Oenot ag Mali Lamgoin omalieoineo metepenagiag. Monig Malsan ignemoasenei otjel Plansoeôg mesgig alames ag ogoitjel Loisôg gtegel. Elp Tjoana Palpôgomgeg alamestjitj ignemot. Mitjoatjitjig nepgepenig Ani Maltar ôg, Piel otostjitiag, 4 tes. agtôpel, 6 tepg. tetotjegag; Loi Miselôg, Piel ogoisa, 10 tes. agtôpel, 5 tesiponatag tjel 5 tepg.; Plansoe Tômnigôg, Noel ogoisa, 17 tes.,

4 tesiponatag ag 5 tepg. Sgato Mimatjoinog mset oelegig, gis 4 tepg. môgoe oen nepog.

POGOMGEG. — Pilei Inoi sagmac Plansoe Pal teloisit.

GESPOGOITG. — Asogôm tesonemigsitjig Inog, getjigao emitgogoaigoititjel Inoi patliasel ag patliase Young tan gis sag geginamoaseniga intjenlôtg Inoa Netna negem amsgoes oigomasenl ometgig Inoi patliasel.

Nogmatot, 1910. — Gesna emg ola Negotipongeg. Gepmeg otjit gino Lnoiigoa, teleg steg tepgisatasigspn negmeoei tan totjio ilogmaten, ag otji minoi gsmaten tan teleiigo. Gesi gsalg gisigo sagmac san Tenia, meta gesi olsetag tan teleoistôgoa. Meta tan oen mset oenl apgonitelmattj ag mset oenl gesatattj na tjinm otjit mseta.

1910, sagmatot, me menag gagianog, me tepiagl nagoegel oetjgoiagl ogisi sgatoatasin getleoei tan ma iaptjio ponapenogoa.

Etog gôgoei maoi mnoegeigo? Etog gôgoei maoogtmogop, etog gsinogôagnôgoôm tan oposgoninatitjig tli oli angôtasitis gesna geginamoôgoôm? tangenitjanag etli ginamotj logôoagn. (Trade School)

Nôgmatot, pogteoitjig me atji asgaiolg ag oposgoninemgeoei gsinogoa, gino gisigooltigo ma pgitaosoltioq; net taletag eog oletjitjig genitjanag gino nige mo tjiplatoaog tan elmiignig tjileiagotag. Môgoe metoenog gisi iapji ngatasin Porteoitjig, paseg gisi maoogoaog tan teli matnmogoa, negote mao taoemgeoei oigatign